



ADMINISTRACIÓN LOCAL

PROVINCIAL

DEPUTACIÓN PROVINCIAL DA CORUÑA

Servizo de Acción Social, Cultural e Deportes. Sección de Educación e Cultura

Aprobación bases reguladoras PREM-DP/2025

Mediante resolución de Presidencia aprobáronse as Bases do XIX Certame de arte “Isaac Díaz Pardo”, cuxo texto se transcribe:

XIX Certame de arte “Isaac Díaz Pardo”

BASES

Primeira.- Obxecto

Na liña de apoio á creación artística que leva a cabo a Deputación da Coruña e en homenaxe ao gran creador polifacético cuxo nome suxire a creatividade e a contemporaneidade galega, a Deputación da Coruña convoca con carácter bienal o XIX Certame de arte “Isaac Díaz Pardo”

Segunda.- Persoas destinatarias

Poderán participar todas as persoas maiores de idade nadas ou residentes en Galicia, que traballen no campo da arte, que non fosen premiadas neste certame nas cinco edicións anteriores e que presenten unha obra non premiada en ningún outro premio ou certame.

A orixinalidade da obra e a súa autoría xustificarase mediante unha declaración responsable na que se manifeste ser a persoa autora e titular de todos os dereitos.

En consecuencia, a Deputación Provincial da Coruña non se fará responsable das posibles denuncias por plaxio ou eventualidade similar que poidan xurdir, polo que recaerá na persoa participante afectada as accións legais que procedan e asumirá, se é o caso, as indemnizacións que poidan corresponder polos prexuízos ocasionados a particulares ou á organización.

As persoas participantes terán a obriga de comunicar á Deputación a concesión de calquera premio que obteña a obra presentada, no momento en que esta situación se produza, o que dará lugar á súa exclusión do premio.

Terceira.- Dotación

Establecese un premio único dotado con **6.500,00€** e ademais adquirírase obra por un importe máximo de **25.000,00€ en total**, estando incluídos nas ditas cantidades os impostos que lles sexan aplicables.

O premio poderá quedar deserto ou ser concedido con carácter ex aequo; neste caso, o seu importe repartirase proporcionalmente entre as persoas que resulten premiadas.

O premio non poderá concederse a título póstumo, sin prexuízo dos dereitos de sucesión que poidan exercerse si a beneficiaria falecese despois do fallo do xurado.

No caso de que o xurado decida a compra da obra premiada, a súa contía será incluída na cantidade que se destina ás adquisicións, de acordo co criterio seguinte:

- Se a valoración da obra supera ao importe do premio, o premio será descontado do importe no que estea valorada a obra e para a súa adquisición, aboarase a diferenza
- No caso de que a valoración sexa menor, o importe da adquisición da obra entenderase incluído no premio.

Cuarta.- Prazo

O prazo de presentación de solicitudes iniciárase o día **10 de febreiro de 2025 e rematará o 10 de abril de 2025**, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

Quinta.- Envío da obra e documentación

A convocatoria tramitarase de xeito telemático, a través da plataforma de tramitación electrónica da Deputación (SUBTEL).

Dado que a tramitación será telemática:

- Quen presente a solicitude deberá dispoñer dun único enderezo electrónico de contacto durante a tramitación do expediente, ao que se dirixirán as comunicacións; excepcionalmente, e de xeito xustificado, poderá modificar este enderezo inicial, sempre e cando se notifique o dito cambio á Deputación.
- Deberá dispoñer de certificado dixital.
- A solicitude e toda a documentación estará asinada pola persoa que presenta a solicitude.
- A presentación telemática producirá plenos efectos xurídicos, sempre que a solicitude sexa presentada dentro do prazo establecido e na plataforma citada. Non se terán por presentadas as solicitudes que se acheguen noutros rexistros.
- Serán rexeitadas automaticamente as solicitudes que conteñan documentos electrónicos que incorporen código malicioso ou dispositivo susceptible de afectar á integridade ou seguridade do sistema, omitan documentos esixidos, non se cumprimenten os campos requiridos como obrigatorios ou cando conteñan incongruencias ou omisións que impidan o seu tratamento.

A temática e a técnica da obra serán libres; establecéndose os seguintes límites ás súas dimensións:

- **pintura e obra gráfica/obxectos bidimensionais:** cada elemento (módulo) que compoña a obra non excederá de 2 x 2 metros.
- **escultura/obxectos tridimensionais:** cada elemento (módulo) que compoña a obra non excederá de 2 x 2 x 1 metros e 70 kg.
A obra ou instalación montada pode exceder desas medidas e presentarse cunhas medidas variables.
- **obras audiovisuais ou sonoras:** en caso de non presentarse unha obra monocanal, deberán facilitar os dispositivos necesarios para o correcto funcionamento da peza.
- Valorarase, entre outros aspectos, a **viabilidade técnica das obras para a súa exposición**.

Cada artista poderá concorrer ao certame cun máximo dunha obra.

A documentación que se ha presentar é a seguinte:

- Nomeamento de persoa representante para a súas relacións coa Deputación da Coruña, no seu caso
- Foto da obra presentada, en formato JPEG, 150 ppp, tamaño DIN 4.
- Currículo da persoa solicitante.
- Acreditación documental de ter nacido ou residir nalgún concello galego no ano 2025.
- Declaración responsable e cesión de dereitos temporal no caso de selección para a exposición ou no caso de compra.
- Certificacións das administracións tributarias correspondentes e da Tesourería da Seguridade Social nas que se acredite que a persoa está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que envíe un documento autorizando expresamente á Deputación provincial da Coruña ás consultas tributarias e non se opoña á consulta de datos da Seguridade Social.

Sexta.- Xurado

O xurado estará presidido pola Deputada de Cultura, quen actuará con voz e sen voto, e formarán parte del cinco persoas de recoñecido prestixio no ámbito das artes, nomeadas por ela.

As funcións de secretaría exerceraas a Secretaría da Corporación ou a persoa funcionaria en quen delegue.

Para o nomeamento do xurado respectarase a presenza equilibrada de mulleres e homes, en cumprimento do disposto no artigo 70 da Lei 7/2023, do 30 de novembro, para a igualdade efectiva de mulleres e homes de Galicia.

As persoas que integren o xurado estarán sometidas ao deber de abstención nos casos sinalados no artigo 23 da Lei 40/2015, de 1 de outubro, de réxime xurídico do sector público.

A composición dos xurados daranse a coñecer, con anterioridade á súa reunión, no taboleiro de anuncios da sede electrónica co fin de que se poidan interpor, se é o caso, os recursos legais pertinentes.

Aplicarase o disposto na Lei 40/2015, do 1 de outubro, de réxime xurídico do sector público (LRXSP), Título preliminar, Capítulo II, Sección 3ª: Órganos colexiados das distintas administracións públicas”, artigos 15 a 18, no que se refire tanto á validez da súa constitución, como á actuación do xurado.

As deliberacións serán secretas e delas serán estendidas as actas correspondentes.

Sétima.- Preselección, concesión do premio, adquisición de obra, selección para exposición e pago**Fase de preselección**

O xurado, despois de ver as solicitudes e as fotografías presentadas, realizará unha primeira selección das obras.

Esta primeira selección así como as datas e horarios nas que deberán enviar as obras ao IES Rosalía Mera, rúa Archer Milton Huntington 24, 15011 A Coruña, será dada a coñecer a través do taboleiro de anuncios da sede electrónica da Deputación.

Serán por conta das persoas participantes os gastos de envío e de retorno, e o seguro dos riscos de transporte.

Concesión do premio, adquisición de obra e selección de obras para exposición

Rematado o prazo de presentación dos orixinais das obras, o xurado realizará unha nova reunión para seleccionar a obra premiada, as obras que se adquiran e as obras seleccionadas para a exposición itinerante.

O xurado poderá declarar deserto o premio ou ser concedido con carácter ex aequo.

A proposta de concesión do premio, adquisición de obra e a selección de obras para a exposición itinerante que formule o xurado será obxecto da resolución da Presidencia, que resolverá a súa aprobación, previo informe do Servizo de Acción Social, Cultural e Deportes e do Servizo de Fiscalización.

A resolución deste acordo será dada a coñecer a través do Boletín Oficial da Provincia; a Deputación resérvase o dereito a cambiar a data se é necesario.

Exposición

A Deputación realizará unha exposición coa obra gañadora, coas obras adquiridas e as obras seleccionadas polo xurado ata un máximo de 20 obras, que será ofertada aos concellos e entidades da provincia, en itinerancia, ao longo dun prazo de tempo que non poderá superar os seis meses.

As persoas autoras cuxas obras estean na exposición recibirán cinco exemplares do catálogo da exposición que editará a Deputación.

As obras que non sexan seleccionadas para a exposición, deberán ser retiradas no prazo dun mes, que se contará desde a notificación da decisión do xurado.

Pago**Premio**

- O importe do premio no caso de que se decida a súa adquisición, calcularase de acordo co establecido na Base terceira.

Adquisición de obra

- As obras que sexan adquiridas serán obxecto das correspondentes actas de recepción e pasarán a formar parte do patrimonio da Deputación.
- As persoas autoras deberán presentar as preceptivas facturas, nas que se farán constar os impostos que sexan de aplicación.
- A adquisición das pezas supón a extinción do dereito de explotación polas persoas autoras, se ben permanecen inalterables os dereitos morais que a lexislación lles confire.

Indemnización pola participación na exposición itinerante

- No caso de que as obras non sexan adquiridas, aboarase a cantidade de 300€ por obra, en concepto de indemnización pola cesión temporal da obra.

Para o cobro, tanto do premio, como da adquisición de obra ou da indemnización pola participación na exposición itinerante, deberán presentar a seguinte documentación:

Residencia española:

- Certificacións das administracións tributarias correspondentes e da Tesourería da Seguridade Social nas que se acredite que a persoa está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que envíe un documento autorizando expresamente á Deputación provincial da Coruña ás consultas tributarias e non se opoña á consulta de datos da Seguridade Social.
- Comunicación de alta de datos bancarios para o rexistro de terceiros, que figura no apartado de impresos oficiais da páxina web da Deputación provincial da Coruña.
- Certificación da titularidade de conta, expedida pola entidade bancaria.

Outra residencia:

- Copia do pasaporte ou DNI
- Certificado de residencia fiscal
- Declaración de non ter establecemento permanente en España
- Certificación de titularidade de conta bancaria

A presentación desta documentación farase preferentemente por medios electrónicos a través do modelo “solicitud xeral” dispoñible na sede electrónica da Deputación da Coruña.

A sede electrónica admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNle).

Tamén poderá presentala en calquera dos lugares e rexistros establecidos na normativa reguladora do procedemento administrativo común.

A concesión e pago do premio será publicado na Base de Datos Nacional de Subvencións (BDNS).

Oitava.- Obrigas

A Deputación realizará unha exposición coa obra gañadora, coas obras adquiridas e as obras seleccionadas polo xurado con un máximo de 20 obras, que será ofertada aos concellos e entidades da provincia, en itinerancia, ao longo dun prazo de tempo que non poderá superar os seis meses.

A Deputación publicará un catálogo coas obras seleccionadas para a exposición e as persoas autoras recibirán cinco exemplares do catálogo.

A Deputación correrá cos gastos de seguros das pezas ao longo do tempo en que permanezan no seu poder, e sempre que se respecten os prazos sinalados para a súa retirada.

Aquelas pezas que non sexan retiradas nos prazos establecidos, serán devoltas ás persoas participantes polo medio de transporte que, segundo o criterio da Deputación, sexa considerado mellor, correndo os custos ao cargo daqueles.

A Deputación da Coruña non se fai responsable do deterioro, perda, roubo, etc. que poidan sufrir no transporte as pezas enviadas ao Certame.

Novena.- Protección de datos

Os datos facilitados serán tratados pola Deputación da Coruña coa finalidade de tramitar esta convocatoria.

A participación nesta convocatoria implica aceptar a realización de fotografías e/ou vídeos pola Deputación da Coruña no certame de entrega dos premios ou no desenvolvemento das actividades complementarias.

As ditas imaxes poderán ser publicadas en:

- A páxina web e perfís en redes sociais da Deputación.
- Filmacións destinadas á promoción da actividade.
- Publicacións para dar a coñecer a actividade.

A lexitimación para o tratamento dos datos persoais baséase no cumprimento dunha misión de interese público.

Os datos poderán ser comunicados ás Administracións públicas para o exercicio das súas competencias e serán conservados de acordo co establecido na normativa de arquivo.

As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se considera que o tratamento incumpre co establecido no RXPd pode reclamar perante a AEPD.

Poden consultar máis información relacionada coa protección de datos na nosa política de privacidade ou dirixindo un correo a delegadodeprotecciondedatos@dacoruna.gal.

Décima.- Aceptación das bases

A participación nesta convocatoria supón a total aceptación destas bases.

A Coruña, 30 de xaneiro de 2025

O Presidente

Valentín González Formoso

A Secretaria

Amparo Taboada Gil